



Banghay- Aralin sa Filipino Baitang 2 & 3

Cabataña, Angel M.

August 20, 2024

Gurong Nagsasanay

Petsa

Dr. Imelda C. Montalbo

August 28, 2024

Gurong Tagapagsanay

Araw at Oras ng Pagtuturo

I. Nilalayon na mga Resulta ng Pag-aaral

Sa pamamagitan ng pagbibigay ng iba't ibang gawain, ang mga mag-aaral sa multigrade ay inaabangan na maisagawa ang mga sumusunod na may 85% na kahusayan;

- a. Naipaliwanag ang kahalagahan ng pagpapakilala sa sarili sa iba't ibang sitwasyon, tulad ng sa paaralan, sa bahay, o sa mga bagong kakilala
- b. Nakapagsasagot sa tanong na sino, saan sa kuwentong binasa
- c. Naipapakita ang tamang paraan ng pagpapakilala sa sarili gamit ang kumpletong detalye
- d. Naipahayag ang sarili sa pamamagitan ng pagpapakilala sa sarili (**MI: Intrapersonal Intelligence**)

II. Paksang Aralin

A. Paksa

Baitang 1 &2: Yunit 1

Pagbasa Skill: Pagsagot/ Pag-unawa sa binasa. Ano ang pangalan mo? Ilan/Sino, Nasa anong baitang

B. Sanggunian

Baitang 2: Duyan: Lydia B. Liwanag, Ph.D., pahina p.25

C. Mga Kagamitan

- Video Presentations,
- Powerpoint presentation,
- Charts
- mga larawan

D. Links

Bb. Shelly Ruales. (2022, September 5). Wikantahan sa Filipino 🎵 [Video]. YouTube.

https://www.youtube.com/watch?v=iA0g_dMJOTU

Teacher Edlyn. (2023, August 27). *Kumusta ka, ano ang pangalan mo? song by: Teacher Edlyn* [Video]. YouTube. <https://www.youtube.com/watch?v=iW8j3k8r5bQ>

III. Pamamaraan

"Magandang umaga, Dr. Montalbo. Magandang araw mga guro. Magandang araw mga kaklase. Ikinagagalak ko kayong makita ngayon lahat! Mabuhay!"



Guro: Magandang Umaga sa inyo, Multigrade! Kumusta kayo? Handa na ba ang lahat na matuto ng bagong aralin sa araw na ito? Alam ko na handang handa na kayo. Bago tayo magsimula, gusto ko na ipaalala sa inyo ang ating mga alituntunin na dapat sundin sa loob ng ating silid-aranan. Tayo ba ay nagkakaintindihan, Multigrade pupils?

MGA ALITUNTUNIN SA ORAS NG KLASE

1. Makilahok sa talakayan at mga gawain.
2. Iwasan anumang ingay o kilos sa loob ng klase kung hindi naman kailangan.
3. Itaas lamang ang kanang kamay kung nais magtanong o sumagot.
4. Respetuhin ang ideya at sagot ng bawat isa.

A. Panimulang Gawain

Guro: Magandang araw sa inyo mga bata! Bago natin simulan ang ating talakayan ngayong araw, hinihikayat ko ang lahat na tumayo at sabayan ang bidyong ipapakita ko sa inyo



Video Link: https://youtu.be/4UMIyasehRk?si=m_9rI1Y9rf1LmUnt

Guro: Magaling mga bata, maari na kayong umupo.

B. Pagganyak

Guro: Sa pagkakataong ito, maroon akong ipapakita na mga larawan sa inyo. Maari ninyo itong pagmasdan nang maayos dahil mayroon akong mga katanungan pagkatapos. Malibaw ba mga bata?

Mag-aaral: Opo! Syempre!

MGA LARAWAN:

1.



2.





3.



4.



Guro: Sa pagpasok mo sa paaralan, marami kang mga taong nakakasulubong o nakikita. May nakikita ba kayong iba't ibang tao kapag papasok kayo dito sa paaralan?

Mga Tanong:

1. Batay sa larawan na inyong nakikita, sila ba ay nakikita mo sa ating paaralan?
2. Kilala mo ba sila? Kilala mo ba ang pangalan nila?
3. Alam mo ba kung saan sila nakatira at ilang taon na sila?

C. Paglalahad

Guro: Ngayon naman ay may kwento akong babasahin sa inyo. Nais kong makinig kayong Mabuti dahil may katanungan ako pagkatapos at sabay nating alamin kung paano nagkaroon ng bagong kaibigan si Max. Handa na ba kayo, mga bata? Simulan na natin.

Bagong Kaibigan

Papasok na si Max. Kasama niya ang kanyang tatay. Sa daan nakasabay nila ang bago niyang kaklase.

Binati ni Max ang bagong kaklase.

“Magandang umaga sa iyo, Lucas. Ipinakikilala ko s aiyo ang tatay ko, si Ginoong Santos.”



“Magandang Umaga po, G. Santos. Ako po si Lucas. Kasama ko po po ang nanay ko, si Ginang Castro, guro po siya sa hayskul.”

“Magandang umaga po, Ginang Castro.” Natutuwa po ako at may bagong kaibigan na si Lucas.”

Sabay na tumawid sa daan sina Max at Lucas kasama ang tatay at nanay nila.


Nasalubong nila sa si PO2 Reyes na nagtrapik sa daan. Binati ng pulis si Max.



“Magandang araw rin po sa inyo, PO2 Reyes. Siya po ang tatay ko, si Ginoong Santos. Kasama ko rin po ang bago kong kaibigan at kaklase na si Lucas at ang kanyang nanay na si Ginang Castro, pakilala ni Max.

“Ako po si PO2 Reyes. Magandang araw sa inyo, Ginoong Santos, Ginang Castro at Lucas.” Bati ni PO2 Reyes.

Dumating na sila sa paaralan. Binati ni Max ang nagtitinda ng sorbetes.



“Magandang araw po, Mang Carding.”

“Magandang araw rin sa iyo, Max.”

“Mang Carding, siya po si Lucas, ang bago kong kaklase at kaibigan.” Pagpapakilala ni Max.

“Magandang araw, Lucas.” Bati ni Mang Carding.

“Magandang araw rin po, Mang Carding.” Bati rin ni Lucas.

“Marami na akong bagong kaibigan ngayon. Salamat sa iyo, Max.” masayang wika ni Lucas.

“Walang anuman ‘yon. Sana maging masaya ka sa bagong paaralan at tirahan mo.”


Guro: Ngayong tapos ko ng basahin ang kwento at alam ko na nakikinig talaga kayo, mayroon akong kahon dito na naglalaman ng inyong mga pangalan, kung sinong pangalan ang aking mabubunot ay siyang saagot ng aking tanong. Isang tanong, isa ang sasagot. Nagkakaintindihan ba tayo, Multigrade?

Mga Tanong:

1. Nasaan sina Max at Lucas?
2. Saan sila pupunta?
3. Sino ang kasama ni Max at Lucas sa pagpasok?
4. Paano nagkakilala ang tatay at nanay nina Max at Lucas?
5. Sino-sino pa ang nakilala ni Lucas sa daan at paaralan?



D. Pagtatalakay

Batay sa kuwento na ating nabasa kanina, ano ang inyong napansin? Ano ang nangyari sa usapan? Bakit kaya madaling nagkaroon ng kaibigan si Max at. Ngayon, ating alamin kung paano sila nagpapakilala sa bawat isa. Alamin natin kung ano ang paraan ng pagpapakilala sa sarili.



Ipakilala mo ang iyong sarili. Gamitin ang paraan ng pagpapakilala na ginamit sa usapan.

Ito ay halimbawa sa pagpapakilala sa sarili katulad ng pagpapakilala sa sarili sa usapan na ating binasa.



Sa pagpapakilala, maari ring sabihin:

1. Ang iyong gulang o edad





Ito ay nasasagot sa tanong na **“Ilang taon ka na?”**

2. Ang iyong baitang



Ito ay nasasagot sa tanong na **“Nasa anong baitang ka na?”**

3. ang pangalan ng nanay at tatay mo



Ito ay nasasagot sa tanong na **“Sino ang iyong mga magulang?”**

4. kung saan ka nakatira





Ito ay nasasagot sa tanong na **“Saan ka nakatira?”**

5. kung saan ka nag-aaral



Ito ay nasasagot sa tanong na **“Saan ka nag-aaral?”**

Ibang Halimbawa:

1.



Ako si Angelo.
Sampung taon na ako.
Nasa ika-apat na
baitang na ako.
Nakatira ako sa Tisa,
Cebu City.
Ako ay nag-aaral sa Tisa
Elementary School

2.



Ako si Bobby.
Pitong taon na ako.
Nasa ika-dalawang baitang
na ako.
Nakatira ako sa
Consolacion.
Ako ay nag-aaral sa
Consolacion Elementary
School.

3.



Ako si Angel.
Siyam na taong gulang na
na ako.
Nasa ika-limang baitang na
ako.
Nakatira ako sa San
Remigio.
Ako ay nag-aaral sa San
Remigio Central School


Tandaan: Mahalaga ang pagpapakilala sa ating sarili dahil dahil ito ang unang hakbang para makilala tayo ng ibang tao. Sa pamamagitan ng pagpapakilala, naipapakita natin kung sino tayo, kung ano ang ating pangalan, at kung ano ang gusto natin. Nakakatulong ito para mas maging magaan ang pakikitungo sa ibang tao, lalo na kung bago tayo sa isang lugar o grupo.

Guro: Ano kaya ang mangyayari kapag tayo ay nagpapakilala sa ating sarili?

Kapag nagpapakilala tayo, nagkakaroon tayo ng pagkakataon na magkaroon ng mga kaibigan at maging bahagi ng isang grupo. Ito rin ay isang paraan para maipakita natin ang respeto sa ibang tao dahil nagpapakita tayo ng kagustuhan na makilala sila at makilala rin tayo.



E. Paglalahat



TANDAAN: Sa pagpapakilala sa sarili, sinasabi muna ang pangalan ng kakilala bago ang pangalan ng ipakilala.

Halimbawa:

Alex, siya si Angela Reyes.
Kamag-aral ko siya.
Angela, siya si Alex. Pinsan ko siya.

TRIVIA:

IBA'T IBANG PAGPAPAKILALA SA SARILI SA AMERICA, JAPAN, AT AFRICA

AMERICA
Kapag tinanong ng mga Amerikano ang "How are you?" madalas itong ginagamit bilang magalang na pagbati sa halip na tunay na pagtatanong sa kalagayan ng isang tao. Maraming tao ang tumutugon ng "Good, how about you?" kahit ang hindi sila talaga okay. Ang "fist bump" ay isang bagong anyo ng pagbati na sumikat noong 2000s. Isa itong kaswal at magiliw na galaw kung saan ang dalawang tao ay bahagyang nagsasalungat ng kanilang mga kamao.

JAPAN
Sa Japan, sa halip na magkamay, madalas na yumuyuko ang mga tao bilang pagbati sa isa't isa. Ang lalim at tagal ng pagyuko ay maaaring magpakita ng kung gaano karaming respeto ang ibinibigay mo. Halimbawa, ang kaunting yuko ay para sa kaswal na pagbati, habang ang malalim na yuko ay ginagamit para sa mga formal na okasyon.



F. Paglalapat

Guro: Sa pagkakataong ito, dahil alam naman ninyo kung paano magpapakilala sa sarili. Mayroon akong bolang ipapasa sab await isa habang tayo ay kakanta, kung sino ang makakatanggap ng bola sa paghinto ng pagkanta ay siyang pupunta sa harap at magpapakilala sa kaniyang sarili. Maaring limang (5) mag-aaral ang aking matatawag upang pupunta sa harap.. Nararapat na ito ang mga pamaraan na inyong gamitin sa pagpapakilala. Nagkakaintindihan ba tayo, mga bata? Tayo na at magsimula.

- a. Ang iyong buong pangalan
- b. Ang iyong baitang
- c. Saan ka nakatira
- d. Saan ka nag-aaral



Video Link: <https://youtu.be/iW8j3k8r5bQ?si=xf44H0l2iyzWK5Y4>

Guro: Ngayon, handa na ba kayo? Simulan natin.

Guro: Mahusay, Multigrade Pupils! At dahil diyan, bigyan natin ang ating sarili ng magaling clap.

INDIVIDUAL ACTIVITY

G. Pagtataya



Baitang 2

Gawain 1: Bilugan ang titik ng tamang sagot.

1. Kapag may nagtanong sa iyo ng “Ano ang pangalan mo?”, ano ang dapat mong sabihin?
 - a. “Paano po kayo?”
 - b. “Ako si [pangalan mo].”
 - c. “Magandang umaga!”
2. Kapag tinanong ka ng “Saan ka nakatira?”, ano ang tamang sagot?
 - a. Dito lang po.
 - b. Nakatira po ako sa [pangalan ng lugar mo].
 - c. Sa tabi ng simbahan.
3. Ano naman ang dapat mong sabihin kapag nagpakilala na s aiyo ang isang tao?
 - a. Kilala kita.
 - b. Magandang umaga.
 - c. Ako naman si [pangalan mo].
4. Bakit mahalaga malaman ng iba ang pangalan mo?
 - a. Para may matawag sila sayo
 - b. Para mahanap nila ang iyong bahay
 - c. Para malaman nila kung ano ang iyong paborito
5. Paano ka dapat sumagot sa tanong na “Sino ang iyong mga magulang?”\ol style="list-style-type: none;">- a. Si nanay ay si Ana at si Tatay ay si Pedro.
- b. Oo, mahal ko sila.
- c. Ako si Pedro.


Gawain 2: Ang Aking Sarili

Panuto: Sa worksheet na ibibigay sa inyo, mayroong kamay at sa bawat daliri nito ay mayroong numero na nakalagay na kung saan sa bawat numero may katumbas kung ano ang ilalagay mo. Sundin ito:

- 1- Isulat ang inyong pangalan
- 2- Iyong gulang o edad
- 3- Pangalan ng magulang mo
- 4- Saan ka nakatira
- 5- Saan ka nag-aaral

Pagkatapos, maari niyo itong kulayan at disenyoahan gamit ang inyong coloring materials.

Name: _____	Date: _____
-------------	-------------





Baitang 3

Gawain 1: Bilugan ang titik ng tamang sagot.

1. Sino ang pangalan ng iyong guro?
 - a. Siya ay si Dr. Imelda Montalbo
 - b. Siya ay si Maria.
 - c. Siya ay si Ana.
2. Kapag tinanong ka kung ilang taon ka na, paano mo sasabihin?
 - a. Matanda na po ako.
 - b. Ako po ay [edad mo} taong gulang.
 - c. Bata pa po ako.
3. Paano mo sasagutin ang tanong na “ Saan ka nag-aaral?”
 - a. Dito lang po sa amin.
 - b. Sa bahay po.
 - c. Ako po ay nag-aaral sa Cebu Normal University-Integrated Laboratory School
4. Kapag gusto mong makilala ang bagong kaibigan, ano ang dapat mong itanong?
 - a. Anong oras na?
 - b. Pwede bang maglaro?
 - c. Ano ang pangalan mo?
5. Para sa iyo, mahalaga ba na tayo ay magpakilala sa ating sarili?
 - a. Hindi ito mahalaga dahil ayoko makipagkaibigan,
 - b. Oo, mahalaga ito upang mayroon silang matawag sa atin at magkaroon tayo ng kaibigan.
 - c. Hindi ito mahalaga.



Gawain 2:

Panuto: Sa worksheet na ibibigay sa inyo, mayroong bulaklak at sa bawat petal nito ay mayroong numero na nakalagay na kung saan sa bawat numero may katumbas kung ano ang ilalagay mo. Sundin ito:

1. Isulat ang inyong pangalan
2. Iyong gulang o edad
3. Pangalan ng magulang mo
4. Saan ka nakatira
5. Saan ka nag-aaral

Pagkatapos, maari niyo itong kulayan at disenyoahan gamit ang inyong coloring materials.

Name: _____ Grade: _____

KULAYAN MO, AKO!
Grade 3

1- Isulat ang inyong pangalan
2- Iyong gulang o edad
3- Pangalan ng magulang mo
4- Saan ka nakatira
5- Saan ka nag-aaral